



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Petri Danielis Huetii Demonstratio Evangelica**

**Huet, Pierre Daniel**

**Parisiis, 1679**

XVI. & qui inter utrumque Templi excidium septuaginta hebdomadas  
intercessisse volunt:

**urn:nbn:de:hbz:466:1-16260**

dias Gaon, & Aben Ezra in Danielem; sic Auctor libri qui Domus Israël inscribitur; sic & Seder olam.

XV. Verum in hebdomadum metandis intervallis, per summam Historiae & Chronologicæ artis incitiam immaniter lapsi sunt. Narrat enim Hieronymus Veteres quosdam ex hoc grege, hebdomadum putandarum exordium à primo anno Darii Medi repetere, quo anno oraculum hoc Gabriel effatus est: sexaginta vero duarum hebdomadum finem conjicere in tempora excisi à Tito Templi, auspiciis Vespasiani, unde rursus deducas hebdomades septem in clades ab Hadriano Iudeis illatas conferri, postremam vero hebdomadem, seorum ab Angelo commemoratan, juxta nonnullos ex illis, in Vespasianum & Hadrianum ex æquo distrahi. Verum qui nobis absurdum hoc commentum retulit Hieronymus, idem ejus refellendi argumentum subministravit, ex Chronologia petatum. Certe à primo Darii Medi anno, ad initum ab Hadriano imperium, anni plus septuaginta supra sexcentos excurrunt. Confultius paulo factum est ab Origene, libro decimo Stromatum, & Tertulliano, libro quem adversus Judæos scripsit, cum exordio hebdomadum sumto ab eo tempore, quo prædictionem hanc Danieli Angelus edidit, primo nempe anno Darii Medi, eas in adventu Christi aut morte concludunt. Quanquam & ipsi in magno errore versantur; nam hebdomadum est novem & septuaginta intervallum, inter Darii primum annum, & ortum Christi.

XVI. Stolidus quoque Iudeis iis error illusit, qui posito hebdomadum initio in prima Templi eversione, finem in secunda constituant; & per septuaginta annos jacuisse Templum volunt, viginti vero supra quadringentos toto huic adscribunt spatium, quo Templum secundum stetit; ex quibus numeris summam quadringentorum & nonaginta annorum, five septuaginta hebdomadum colligunt; ut inter Templi utriusque cladem, & quæ per Nabuzardanem primo, & quæ per Titum secundo illata est, spatium illud decurrat. Hanc sententiam tueruntur, non R. Selomoh solum, & Saadias Gaon, & Seder olam Rabba, sed ipsum etiam Thalmud in primo capite Avoda Zara. At ejus vitiositatem solerter deprehendit Aben Ezra, & in Saadia castigavit. Et merito quidem: nam si à captiis undecimo Sedeciae anno Hierosolymis, & incenso Templo, ad Vespasiani secundum, quo Hierosolyma & Templum à Tito detrahebantur, numerum ducas, nonaginta quatuor hebdomades annorum exurgent.

XVII. Cum autem ad singulas vaticinii partes exponendas ventum est, valde exequuntur. Nam à sequentibus excerpunt verba hæc Angeli: *Ab exitu sermonis, ut iterum ediscitur Jerusalem, usque ad Christum ducem, hebdomades septem: & Christum illum R. Saadias & R. Selomoh Cyrusum, R. Levi Iulium Josedecidem, alii Zorobabelum esse putant; contra veterum Ebraeorum sententiam, quos refert Hieronymus Messiam hic significatum sensisse.* Verum præterquam quod decurta Angeli verba proferunt, ac postrema sui parte mutila, quæ sic ut jacent repræsentari debuerant: *Ab exitu sermonis, ut iterum ediscitur Jerusalem, usque ad Christum ducem, hebdomades septem, & hebdomades sexaginta duæ erunt,* (quanquam & hæc à Pagnino disjuncta sunt) perpèram priora commissis verba accipiunt, ac si scriptum foret: *Ab exitu sermonis, ut exscindatur Jerusalem.*

XVIII. De Christo etiam, quem post hebdomades sexaginta duas occisum iri prædicti Angelus, nihilo meliora afferunt Judei. Sacerdotium interpretantur R. Levi in Danielem, & Saadias Gaon in Sepher Haemunoth, Templum Jachiades. In Agrip-pam vero juniores id confert R. Selomoh, quem à Romanis trucidatum fuisse scribit, cum Templum secundum exscinderetur. Magna inest his opinionibus labes, quod hebdomadas ad Hierosolymitanam usque ἀλεον πroferunt. Alterum quoque vitium acute animadvertis Raymundus Martini, quod neque Sacerdotes, neque Reges, qui post solutam Captivitatem Iudeis præfuerunt, Christi, five uncti fuerunt. Quinque enim rebus Templum primum secundo antecelluisse Iudei docent, quarum duæ fuerunt Oleum unctionis, & Spiritus sanctus, sine quibus nulla esse potest legitima unitio, nec quisquam Christi titulum merito consequi. Cum iis ergo Templum secundum caruerit, qui eo cadente regium & pontificale obtinebant munus, Christi haud-quaquam fuerunt. Alio præterea, eoque gravi laborat vitio ea opinio, quæ Agrip-pam minorem decernit Christum hunc esse, cuius mortem prædictit Angelus. Eum quippe Romanorum partes fuisse sicutum, & Hierosolymis, tum cum expugnarentur, absusse, belloque hunc annos aliquot fuisse superstitem, Josephi & Taciti historiæ demonstrant. At præfelli Ebrei, quorum sententiam retulit Hieronymus, hæc ad Messia mortem pertinere candidè, ut dixi, confessi sunt.

XIX. Privatim refellendus venit Aben Ezra, cum propter insignem hominis apud suos auctoritatem, tum quod stōs ipse populares, velut melius quidpiam alla-

B b ij

*tum que earū  
initium colo-  
cant in anno  
primo Darii  
Medi, finem  
in clade Hie-  
rosolymis ab  
Hadriano il-  
lata:*

*Tempi exci-  
dim septua-  
ginta hebd-  
madas inter-  
cessisse voluit:*

*stum ducem,  
Cyrum esse  
statuunt, aut  
Iesum Sacer-  
dotem, aut  
Zorobabelē:  
Hier. in Dan. 9.*

*& qui Chri-  
stum occiden-  
dum censem  
esse, vel Sa-  
cerdotium, vel  
Templum,  
vel Agrippā  
juniores.*

*Jos. De bell.  
Jud. libr. 2.  
cap. 16. & De  
vita sua.  
Taci. Hist.  
libr. 1.  
Hier. in Dan.  
9.*

*Refellitur  
privatim*